


1615_440.jpg



1615_441.jpg

Histoire de nostre temps.

441

Amstelredam, & l'autre à Rotterdam.

Quant aux personnes Illustres qui decederent ceste annee (outre la Royne Marguerite,) l'Eglise & la France furent privees de Monsieur le Cardinal de Ioyeuse, lequel mourut en Aui-
gnon le 27. d'Aoust. Voicy vn Epilogue ou sommaire de la vie de ce grand Cardinal.


*Mort du
Cardinal de
Ioyeuse.*

Il se nommoit François de Ioyeuse, & estoit second fils de Guillaume de Ioyeuse Mareschal de France, & de Marie de Batarnay yssue des Comtes du Bouchage. Il a veu trois de ses freres Anne, Henry, & Scipion, Ducs de Ioyeuse, & le quatriesme, Claude, Marquis de S. Sauer, tous morts sans enfans masles. Henry seul a laisse Henriette Catherine de Ioyeuse femme en premier mariage de Monsieur le Duc de Montpensier, & à present de Monsieur le Duc de Guise, laquelle a recueilly seule toute la succession de la Maison de Ioyeuse.

*Epilogue ou
sommaire de
sa vie.*

Dez l'aage de 23. ans ce Cardinal fut esleué à la dignité d'Archeuesque de Narbonne. L'an 1586. le Pape Sixte V. luy enuoya le Chapeau. Il fut quelque temps Cardinal du tiltre de S. Siluestre, puis de la Sainte Trinite au mont de Piney, puis de saint Pierre aux Liens, puis de l'Euesché des Sabins, & en fin il a esté le Doyen des Cardinaux. Apres la mort du Cardinal d'Este, Protecteur des François à Rome, le Roy Henry troisieme l'honora de ceste grande & honorable charge, & fut à Rome accompagné de plusieurs Prelats, & de pieux & sçauants Prestres. L'an 1587. en la Canon-

1615_442.jpg




1615_443.jpg

Histoire de nostre temps. 443


Rome, & se trouua à la promotion de Clement VIII. En ce mesme temps la mort du Marechal de Joyeuse son pere, le rappella à Thoulouze, où l'estat des affaires le cōtraignit de demeurer iusques apres la Trefue de l'an 1593. qu'il retourna à Rome, là où il employa tout son cre- dit pour faire reüssir le dessein du Roy Henry le Grand sur sa Rebenediction & reünion au S. Siege, bien que ce Cardinal semblast auoir quelque occasion de luy nuire pour l'infortune qui aduint à deux de ses freres en la bataille de Contras: neantmoins mettant sous pied toutes sortes de considerations, il prefera lors le public à son particulier.

Mais comme apres vn long orage, quoy que les vents cessent, la mer ne s'accoise pas du tout, aussi vne esmotion d'esprits à Rome retarda pour ceste fois que l'intention de ce grand Roy ne pût reüssir comme il desiroit. Toutesfois ce Cardinal esperant qu'avec le temps toutes choses se pourroient accômoder demeura à Rome pour en espier les occasions, ce qui luy succeda au commencement de l'an 1595. apres auoir recogneu, que si la Saincteté en estoit de rechef prieé par sa Majesté rres- Chrestienne elle luy accorderoit sa demande; sous main il l'en aduertit, & aussi tost sa Majesté en commit la charge aux sieurs du Perron, & d'Ossat, (lesquels furent depuis créés Cardinaux) qui opererent si bien qu'ils mirent à chef ceste Reünio: & chacun sçait assez que ce Cardinal y employa tout le credit qu'il auoit au Conclane, qui n'e-


1615_444.jpg



1615_445.jpg



1615_446.jpg



1615_447.jpg

Histoire de nostre temps.

447

neur de me tesmoigner. Apres quoy il me sem-
ble que vous ne deuez rien tant auoir deuant
les yeux, que le seruice de leurs Majestez, vous
exhortant & vous suppliant autant que ie dois
& qu'il est en ma puissance, de ne vous en des-
partir iamais, pour quelque consideration que
ce soit.

En ceste siene derniere lettre qui estoit assez
longue, il se voit que Dieu luy auoit fait la
grace de faire tout ce qu'un bon Chrestien doit
faire au partir de ce monde en la crainte des iu-
gements de Dieu, & neantmoins avec esperan-
ce qu'il le regarderoit des yeux de sa misericor-
de.

L'Allemagne perdit aussi le Duc Auguste
de la Maison de Saxe, qui deceda à Friberg en
Misne, au mois de Novembre.

*Mort du Duc
Auguste de
Friberg.*

Quant aux hommes de Lettres en France, *Mort d'E-*
Estienne Pasquier ayant esté Aduocat General *stienn Pas-*
en la Chambre des Comptes à Paris, & ayant *quier.*
laidé à la posterité plusieurs doctes escrits La-
tins & François qu'il a fait imprimer, deceda
à Paris le 29. Aoust, aagé de quatrevingts sept
ans.

FIN.

Image issue du site mercurefrancois.ehess.fr - Cliché (c) Cécile Soudan